

洪北江(亮吉)先生遺集(六)




清・光緒三年授經堂重刊本影印


洪北江（亮吉）先生遺集（十六清・洪用勲等編撰）

華文書局股份有限公司印行

浙江全圖 統計十一

和 宣平 景甯	分龍 水泉 慶元 雲	壽昌 溫州府 永嘉 瑞安 樂 處州府 麗水 青田 遂昌	義湯 浦江 衢州府 西安 常山 開化 嚴州府 建德 淳安 武	義 臨海 黃巖 天台 金華府 義烏 永康 東陽	台州府 仙居 寧海 太平 紹興府 山陰 會稽 蕭山 諸暨	鎮海 象山 奉化 定海 紹興府 上虞 嵊 新昌	鄞 慈谿 奉化 定海 紹興府 上虞 嵊 新昌	門 平湖 桐鄉 湖州府 烏程 武康 安吉 孝豐	嘉善 海鹽 石 湖州府 烏程 武康 安吉 孝豐	杭州府 錢唐 臨安 於潛 新城 富陽 昌化 餘 嘉興府 秀水
---------------	---------------------	---	---	--	--	--	---	--	--	---





浙江境眾水歸合表

浙江 浦陽江下流為若溪合前溪餘烏程運河

鄞江合奉化江錢清江不溪苧溪

慈溪江為大浹吳甯水若溪

江 穀水 臨平湖

永嘉江 桐溪

安陽江

橫陽江

靈江 大溪下流為青

田溪

剡溪下流為曹

娥江又為上虞

海

浙江

太湖

運河

起仁和縣北至
嘉興府秀水縣
北入江蘇界

乾隆府廳州縣圖志卷二十七

賜進士及第翰林院編修充

國史館纂修官

臣

洪亮吉撰

浙江布政使司

杭州府

衝繁難

原額人丁三十二萬二千三百又滋生人丁一萬二千六百六十二

禹貢揚州之域春秋爲越西境戰國屬楚秦置錢塘縣屬會稽郡漢爲會稽西部都尉治後漢分屬吳郡陳禎明元年置錢唐郡屬吳州隋廢郡置杭州仁壽中置總管府大業初府罷三年改曰餘杭郡唐武德四年復置杭州天寶初曰餘杭郡乾元初復曰杭州景福二年移鎮海節度使來治五代時錢鏐置吳越國宋仍曰杭州餘杭郡淳化五年改寧海軍節度建炎三年以爲行在所升臨安府元至元十三年爲兩浙都督府十五年改

杭州路明初改杭州府

本朝爲巡撫部院及布政使司按察使司治所織造兼權關稅及兩浙鹽運使司糧儲道並駐此海防同知二一駐東塘一駐

西塘

府境

八到

東西距一百九十五里
南北距七十三里
東至赭山海口六十里
西至嚴州府相廬縣界一百三十三里
南至紹興府蕭山縣界四十五里
北至湖州府德清縣界四十五里
東南至蕭山縣界二十八里
西南至金華府浦江縣界三百四十里
東北至嘉興府石門縣界一百二十里
西北至江南甯國府甯國縣界二百八十里
自府治至京師四千二百里

土貢

銅 鹽 綾 紗 茶 漆 地黃 黃蓮 黃精
牛膝 石膏 楊梅 銀杏 冬筍 鱗魚 紙 鉛

管縣八州一

錢塘 仁和 海甯州 富陽 餘杭 臨安 於潛

新城 昌化

錢塘縣

衝繁難郭下

有寶浙錢局浙江一驛西溪一鎮

秦舊縣屬會稽郡漢爲會稽西部都尉治後漢省入餘杭縣後復置陳禎明初于縣置錢唐郡隋仍廢爲縣唐曰錢塘

定山在縣東南四十里酈道元云縣東有定已諸山皆西臨浙江又有界石山在縣西南四十九里浙江經其下

靈隱山在縣西十二里班固云錢唐縣有武林山武林水所出蓋卽靈隱也

浙江在府城東南自嚴州府桐廬縣流逕富陽爲富春江入縣及仁和二縣境爲錢唐江又東至海甯界海門入海虞喜志林

今錢唐江口浙山正居江中潮水投山下折而曲故名浙江李吉甫云江源自歙州界東北流經界石山又東北經州理北又東北流入于海江濤晝夜再上常以月十日二十五日最小月三日十八日極大今按漸江在海甯入海浙江舊在山陰入海西湖在縣西一名明聖湖以在府西故又名西湖又名錢塘湖唐大厯中刺史李泌以江水鹵惡開六井鑿陰竇引湖水灌之長慶初刺史白居易重修六井發函篋以蓄洩湖水溉田千頃又引入運河以利漕吳越時湖葑蔓合乃置撩湖兵千人又引湖水爲湧金池以濟運河宋初稍廢不治元祐五年蘇軾知杭州取葑泥積湖中爲長堤以通人行淳祐中守臣趙與鷖因湖水旱竭引天目山水桔槔運之仰注西湖以灌城市

縣故城在今縣西道元云靈隱山下有錢唐故縣浙江逕其南

季吉甫引錢唐記云昔一境逼近江流縣理靈隱山下今餘址尚存圖經錢唐舊治有四一在靈隱山麓一在錢湖門外皆漢魏時治一在錢塘門內今爲教場唐縣治也一在紀家橋華嚴寺故址宋縣治也

仁和縣

衝繁難郭下

有武林吳山二驛德勝橋江漲橋臨平塘棲湯鎮五鎮巡檢一駐塘棲

五代梁龍德二年吳越割錢唐鹽官二縣地置錢江縣與錢塘竝爲杭州治宋太平興國四年改曰仁和

臨平湖在縣境臨平山東南五里吳志天璽元年吳郡言臨平湖開卽此道元云浙江又東合臨平湖湖水上通浦陽江下注浙江名曰東江按南宋運道經此

錢江故縣在縣治北武林門內

南宋故宮在縣南鳳皇山卽唐以來州治也咸淳志建炎三年

詔以杭州治爲行宮紹興元年詔守臣徐康國措置艸創二年
南門成二十八年增築禁城以文德殿爲正衙垂拱殿爲常朝
後殿有四曰延和曰崇政曰福甯曰復古孝宗建射殿曰選德
理宗闢講殿曰緝熙度宗改東宮新益堂曰熙明置經籍其中
本朝設鎮守將軍及副都統二員領滿洲兵于此駐防

北新關在縣北武林門外十里明成化中設戶部分司駐此以
權商稅

本朝定歸織造兼管又南新關在縣候潮門外

江塘在錢塘及縣界道元云錢塘記曰防海大塘在縣東一里
許郡議曹華信議立此塘以防海水

運河在縣北至塘西鎮入嘉興府石門縣界

海甯州

繁疲難西少南至府一百七里

有長安袁花硤石
石墩嵒山五鎮巡

檢一駐楸山

漢海鹽縣之鹽官地三國吳置海昌都尉于此後改置鹽官縣
陳永定二年于縣置海甯郡尋廢唐武德七年省入錢唐縣貞
觀四年復置元元貞元年升鹽官州天曆二年改海甯州明洪
武二年降州爲縣

本朝乾隆三十八年仍升爲州

楸山在州西南五十里與仁和接界瀕海產鹽先有鹽場縣境
許村場西路場黃灣市俱有鹽課司仁和縣有仁和場

海在州南海塘在州及仁和兩縣境新唐書鹽官場有捍海塘
堤長二百二十四里歷代增修

本朝康熙雍正中屢命大臣察勘發帑興建乾隆四十五年
上因南巡親自履視悉易柴塘內爲石以昭鞏固云

富陽縣

衝繁東北至府九十里

有會江一驛

漢富春縣屬會稽郡後漢屬吳郡三國吳黃武五年置東安郡
七年郡廢仍屬吳郡晉咸安初改曰富陽五代時復曰富春宋
太平興國三年仍曰富陽

湖淤山在縣西南五十里山廣一百三十里上有石樓石城
陽陂湖在縣北十四里湖周十六里溉田萬畝明末湖涸

本朝康熙中重濬

縣故城在今縣治西北隅又有東安城在縣北十八里

餘杭縣

繁難東南至府七十里

有閑林雙溪石瀨三鎮

秦舊縣屬會稽郡後漢屬吳郡三國吳寶鼎初改屬吳興郡隋
開皇初于縣置杭州大業三年屬餘杭郡唐屬杭州

大滌山在縣西南十八里與臨安縣分界高六百九十餘丈周

五十里又有亩山在縣南一名大辟山晉書郭文辭家入餘杭大辟山卽此獨松嶺在縣西北七十五里有關在其上

南湖在縣南五里有上湖西二里有下湖蒼溪自天目乘高而下縣地平衍首當其衝漢熹平二年縣令陳渾始築兩湖以瀦水其竝溪者曰南下湖環三十里竝山者曰南上湖環三十二里于湖西北爲石門函以納溪水

縣故城卽今縣治圖經舊城在茗溪南漢陳渾徙溪北唐末吳越王復徙溪南號清平軍宋雍熙中軍廢再徙溪北自後因之李吉甫云秦始皇捨舟航于此因以爲名

臨安縣

簡東南至府一百里

有青山石鏡西墅三鎮

後漢建安十六年分餘杭縣置臨水縣晉太康初改曰臨安隋省唐武德七年復置臨水縣屬潛州八年廢垂拱四年復分餘

杭於潛地置臨安縣屬杭州五代梁開平二年吳越改曰安國縣并置衣錦軍宋太平興國四年改順化軍尋廢軍復爲臨安縣

天目山在縣西北與於潛接界卽古浮玉山也山海經浮玉之山北望具區東望諸毗茗水出于其陰

茗溪源出天目山之陽亦名南溪故老相傳夾岸多茗花故名臨水故城在縣北四里

於潛縣 簡東南至府一百七十里

漢舊縣唐武德七年于縣置潛州八年州廢還屬杭州

桐溪在縣西道元云桐溪水出於潛縣北天目山

縣故城在今縣治北唐紫溪故城在縣南越王城在縣東十五里

新城縣

簡東北至府一百二十里

有東安一鎮

三國吳析富春縣地置新城縣屬東安郡尋廢晉太康末復置尋又廢咸和九年又置隋省唐永淳初復置五代時吳越改曰新登縣宋復故

縣故城在今縣治東唐南新廢縣在縣西

昌化縣

簡東至府二百十里

有手竿嶺一鎮

唐萬歲通天初析於潛置武隆縣聖歷三年省入紫溪長安四年復置武隆縣神龍初改曰唐山大厯二年廢長慶初復置唐山縣五代梁時吳越改曰金昌後唐同光初復曰唐山石晉天福七年改曰橫山又改曰吳昌宋太平興國三年改曰昌化
昱嶺在縣西七十里

紫溪在縣南道元云紫溪水出於潛縣西百丈山東南流名爲